



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP–1/21-3-40-188-4/22**
Datum: **10.06.2022. godine**

«Agencija za vodno područje rijeke Save» rješavajući po zahtjevu pravnog lica, «MANN+HUMMEL BA» d.d. Tešanj, za donošenje rješenja o vodnoj dozvoli za ispuštanje tehnoloških tehnoloških i oborinskih onečišćenih otpadnih voda u prirodni recipijent sa lokaliteta pogona Fabrike filtera u Industrijskoj zoni Bukva, općina Tešanj, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH» br. 2/98 i 48/99), donosi

R J E Š E N J E **o vodnoj dozvoli**

1. Daje se vodna dozvola pravnom licu, «MANN+HUMMEL BA» d.d. Tešanj za ispuštanje tehnoloških i oborinskih onečišćenih otpadnih voda u prirodni recipijent sa lokaliteta pogona Fabrike filtera u Industrijskoj zoni Bukva, izgrađene na zemljištu označenom kao k.č. broj: 557/1, 557/2, 557/3, 559/1, 559/5, 559/6, 559/7, 559/8, 559/9, 559/10, 559/11, 559/12, 559/13, 559/14, 559/15, 559/16, 559/17, 559/18, 559/19, 559/20, 559/21, 559/22 K.O. Tešanj I, općina Tešanj.
2. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 2.1. Da se upotreba i korištenje predmetnog objekta Fabrike filtera vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se za vrijeme trajanja ove dozvole obezbijedi da se dio tehnoloških otpadnih voda nastalih u procesu proizvodnje u pogonu stare lakirnice, nakon tretmana u postrojenju za tretman otpadnih voda unutar pogona, nesmetano sakupljaju sistemom kanalizacione mreže te zajedno sa oborinskim onečišćenim vodama sa platoa odvođe na tretman u separator ulja i masti sa krajnjim ispustom prečišćenih voda preko okna za monitoring br 1 u rijeku Tešanjku a da se drugi dio tehnoloških otpadnih voda nastalih u pogonima nove lakirnice, fosfatiranja i odmašćivanja nesmetano sakupljaju sistemom kanalizacione mreže te zajedno sa sanitarno-fekalnim i otpadnim vodama iz restorana odvođe do MBR postrojenja za tretman otpadnih voda kompleksa sa krajnjim ispustom prečišćenih voda preko okna za monitoring br 2 u gradski kanalizacioni kolektor a potom u rijeku Tešanjku.
 - 2.3. Da se poduzmu sve potrebne mjere kojima bi se obezbijedilo da prečišćene tehnološke otpadne vode, prije ispuštanja u krajnji recipijent – rijeka Tešanjka, ostanu u maksimalno dopuštenim granicama definisanim članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.4. Da se za vrijeme trajanja ove dozvole obezbijedi da se oborinske onečišćene vode sa platoa, parking i manipulativnih površina nesmetano sakupljaju sistemom slivnika i kanalizacione mreže i odvođe do uređaja za tretman, tj. u separatore ulja i masti sa krajnjim ispustima prečišćenih voda preko okna za monitoring br 3 u rijeku Tešanjku.
 - 2.5. Prečišćene oborinske otpadne vode moraju ostati u maksimalno dopuštenim granicama definisanim članom 14. Uredbe o uslovima ispuštanja otpadnih voda u okoliš i sisteme javne kanalizacije.
 - 2.6. Objekte čija je svrha odvođenje i prečišćavanje otpadnih voda (postrojenje za tretman otpadnih voda, separatori ulja i masti, slivnici, slivne rešetke, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.

Održavanje ugrađenog postrojenja za tretman otpadnih voda kao i čišćenje i pražnjenje separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja separatora ulja i masti te izdvojenom talogu iz istih.

- 2.7. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring na tri mjerna mjesta u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- 2.8. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
- 2.9. Talog/mulj iz postrojenja i separatora kao i ostali opasni i neopasni otpad, ne smiju se ni privremeno odlagati na česticu «vodno dobro» odnosno u vodotoke i na njegove obale.
- 2.10. Investitor je obavezan, u skladu sa propisima iz oblasti zaštite okoliša, vršiti bezbjedno skladištenje i postupanje sa opasnim materijama i otpadom nastalim na predmetnom lokalitetu do konačnog zbrinjavanja od strane ovlaštene organizacije (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode). Skladištenje otpadnih boja, filterskih materijala, muljeva od boja ili lakova, opasnih ulja, zauljenih krpa vršiti u namjenski izgrađenom natkrivenom prostoru sa vodonepropusnom podlogom. Redovno voditi evidenciju o uskladištenom otpadu.
- 2.11. Opasne materije kao ni čvrsti opasni i neopasni otpad se ne smije ni privremeno odlagati na česticu «vodno dobro», odnosno u vodotoke ili na njegove obale.
- 2.12. Investitor je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Na osnovu utvrđenog stepena zagađenja ispuštenih otpadnih voda izraženog preko broja EBS –a (ispitivanje urađeno od strane ovlaštene laboratorije) u skladu sa Zakonom o vodama («Službene novine Federacije BiH», broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), vlasnik, odnosno korisnik objekta je obavezan za utvrđeni broj EBS-a prema rezultatima ispitivanja plaćati posebnu vodnu naknadu za zaštitu voda.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članovima 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, «MANN+HUMMEL BA» d.d. Tešanj, obratilo se ovoj Agenciji dana 19.04.2022. godine sa zahtjevom za izdavanje vodne dozvole za ispuštanje tehnoloških otpadnih voda u prirodni recipijent sa lokaliteta pogona Fabrike filtera u Industrijskoj zoni Bukva, općina Tešanj.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o Aktuelnom izvodu iz sudskog registra broj: 043-0-RegZ-21-003533 izdatog dana 21.12.2021. godine od strane Općinskog suda u Zenici,
- Ovjerena kopija Uvjerjenja o registraciji/upisu u Jedinostveni registar obveznika indirektnih poreza broj: 04/1-UPP/1-9492/07 izdatog dana 01.08.2007. godine od strane Uprave za indirektno-neizravno oporezivanje Banja Luka,
- Kopija Uvjerjenja o registraciji obveznika poreza na dodanu vrijednost broj: 04/1-17-3298-254/06 izdatog 10.08.2006. od strane Uprave za indirektno-neizravno oporezivanje Banja Luka,
- Kopija Obavještenja o razvrstavanju pravnog lica prema djelatnosti broj: 04-32.5-1-4218101770001/05 izdatog dana 26.07.2006. godine od strane Službe za statistiku Zeničko-dobojskog kantona,
- Kopija Rješenja o vodnoj dozvoli broj: UP-I/25-3-40-124-5/12 izdatog dana 30.03.2012. godine od strane «Agencije za vodno područje rijeke Save» Sarajevo,
- Kopija Rješenja o vodnoj dozvoli broj: UP-I/25-3-40-035-4/17 izdatog dana 21.04.2017. godine od strane «Agencije za vodno područje rijeke Save» Sarajevo,
- Kopija Rješenja o vodnoj saglasnosti, broj: UP-I/25-3-40-529-2/12 izdatog 05.11.2012. godine od strane Agencije za vodno područje rijeke Save Sarajevo,
- Kopija Rješenja o okolinskoj dozvoli broj: 12-23-10520-1/18 izdatog dana 12.02.2021. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Zaključka o odbacivanju zahtjeva broj: UP-I/25-1-40-294-4/18 izdatog dana 27.07.2018. godine od strane «Agencije za vodno područje rijeke Save» Sarajevo (rekonstrukcija skladišta opasnih sirovina i dogradnja skladišta lako zapaljivih sirovina),
- Kopija Rješenja o upotrebi građevine broj: 12-23-03804/16 izdatog dana 22.11.2016. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Cjenovnog ugovora o zbrinjavanju opasnog otpada (otpadni izocijanat, otpadne boje u čvrstom stanju, muljevi od boja ili lakova, filterski materijali...) zaključenog dana 08.05.2018. godine između «MANN+HUMMEL BA» d.d. Tešanj i «GRIOSS» d.o.o. Grude (priložena ponuda za zbrinjavanje opasnog otpada od 23.01.2020. godine),
- Kopija Računa br 61 od 29.04.2022. godine o zbrinjavanju opasnog otpada dostavljenog od strane C.I.A.K. d.o.o. Grude - Podružnica Jajce (zbrinjavanje otpadnih boja i lakova, poliola, perkloretilena, izocijanata),
- Kopija Cjenovnog ugovora o čišćenju separatora i zbrinjavanju zauljene vode i taloga zaključenog dana 27.02.2020. godine između «MANN+HUMMEL BA» d.d. Tešanj i «KEMIS» d.o.o. Lukavac (priložen transportni list broj: 240-04/22 o čišćenju za dan 15.02.2022. godine od strane «KEMEKO» d.o.o. Lukavac),
- Glavni projekat rekonstrukcije kanalizacione mreže sa tretmanom otpadnih voda fabrike «MANN+HUMMEL BA» d.d. Tešanj urađen od strane «ES-HYDROTECHNICS» d.o.o. Sarajevo, august 2012. godine (na uvid),
- Kopija Izvještaja o utvrđivanju tereta zagađenja otpadnih voda izraženog preko EBS-a preduzeća «MANN+HUMMEL BA» d.d. Tešanj urađenog od strane «TQM» d.o.o. Lukavac, decembar 2021. godine,
- Kopija Izvještaja o ispitivanju kvalitativnih i kvantitativnih karakteristika efluenta sa programom praćenja stanja voda (monitoring) i rezultatima monitoringa za «MANN+HUMMEL BA» d.d. Tešanj urađenog od strane Ispitne laboratorije JP «RAD» d.d. Tešanj, novembar 2019. godine,
- Kopije izvještaja o ispitivanju otpadnih voda za «MANN+HUMMEL BA» d.d. Tešanj urađenih od strane Ispitne laboratorije JP «RAD» d.d. Tešanj za oktobar 2020. godine, maj 2021. godine i februar 2022. godine,
- Projekat izvedenog stanja vanjskih hidroinstalacija Fabrike filtera «MANN+HUMMEL BA» d.d. Tešanj (reg. broj: 10-11/20; broj protokola: 778/20) urađen od strane strane «TQM» d.o.o. Lukavac, mart 2020. godine – na uvid,

- Idejni projekat sakupljanja i tretmana i ispuštanja tehnoloških otpadnih voda Fabrike filtera «MANN+HUMMEL BA» d.d. Tešanj (reg. broj: 10-63/21; broj protokola: 3540/21) urađen od strane «TQM» d.o.o. Lukavac, oktobar 2021. godine - na uvid,
- Kopija Ugovora o vršenju usluga ispitivanja otpadnih voda sa godišnjim programom praćenja stanja voda (monitoring) zaključen dana 20.12.2017. godine između «MANN+HUMMEL BA» d.d. Tešanj i JP «RAD» d.d. Tešanj,
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 4. iz starog Rješenja o vodnoj dozvoli (broj: UP-I/25-3-40-035-4/17 od 21.04.2017. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za prikupljanje prihoda od vodnih naknada od 06.06.2022. godine konstatovano je da je podnosilac zahtjeva «MANN+HUMMEL BA» d.d. Tešanj redovno izmiruje svoje obaveze uplate posebnih vodnih naknada.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20), izvršen je obilazak predmetnog pogona u Industrijskoj zoni Bukva u Tešnju te je sačinjen zapisnik o izvršenom uviđaju broj: UP-1/21-3-40-188-3/22 od 19.05.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Predmetna fabrika za proizvodnju filtera locirana na lijevoj obali rijeke Tešanjke u Industrijskoj zoni Bukva u Tešnju sastoji se od: pogona za izradu filtera zraka, pogona za proizvodnju filtera tečnosti i goriva, pogona za pojedinačnu izradu dijelova, magacina za repromaterijal, poluproizvode i gotove proizvode, skladište opasnih sirovina i lako zapaljivih sirovina (dograđen i rekonstruisan), magacina za boce tehničkih gasova, sprinkler stanice, skladište LPG-a, kotlovnica na pelet, interna benzinska pumpa (skladištenje goriva vrši se u dva čelična dvoplašna rezervoara ukupne zapremine 50m³), restoran, upravna zgrada, MBR – biološki uređaj za prečišćavanje otpadnih voda (500 EBS), separatori ulja i masti te saobraćajne i radno-manipulativne površine.

U proizvodnim pogonima instalisane su proizvodne linije za proizvodnju izmjenjivih filtera ulja i zraka; filtera zraka za PKV i LKV program; filtera za mjenjač motora; folije i umetaka. Proizvodni program se sastoji od izrade izmjenjivih filtera ulja i goriva, umetaka filtera ulja i goriva, filtera zraka i hidrauličnih filtera. Snabdijevanje vodom za sanitarne i tehnološke potrebe obezbjeđeno je priključkom na gradski vodovodni sistem kojim upravlja JP «RAD» d.d. Tešanj. Uposlenih je oko 700 radnika.

Tehnološke otpadne vode nastale u procesu proizvodnje u pogonu stare lakirnice, odvode se na uređaj za tretman industrijskih otpadnih voda unutar pogona (potpuno automatizovan postupak koji uključuje dodavanje krečnog mlijeka, flokulanta, kiseline, baze i filtriranje na filter presi) a zatim prečišćene vode se sistemom kanalizacione mreže oborinskih otpadnih voda odvođe na tretman u separator ulja i masti kapaciteta 50l/sec. Prečišćene vode se preko okna za monitoring br 1 ispuštaju u prirodni recipijent - rijeku Tešanjku.

Prikupljene tehnološke otpadne vode iz pogona nove lakirnice, fosfatiranja i odmašćivanja se sistemom kanalizacione mreže odvođe zajedno sa prikupljenim sanitarno-fekalnim otpadnim vodama i otpadnim vodama iz restorana za uposlenike (prethodno tretirane na separatoru ulja i masti kapaciteta 7lit/sec), na MBR postrojenje za tretman otpadnih voda kompleksa. Prečišćene otpadne vode se preko okna za monitoring br 2 ispuštaju u gradski kolektor a potom u rijeku Tešanjku.

Oborinske onečišćene vode koje nastaju spiranjem platoa, radnih i manipulativnih površina, platoa oko skladišta goriva unutar kompleksa prikupljaju se sistemom slivnika i linijskih rešetki te zasebnom kanizacionom mrežom odvođe na tretman u separator ulja i masti (kapacitet 20 lit/sec) sa krajnjim ispuštanjem, preko okna za monitoring br 3, u rijeku Tešanjku.

Čišćenje separatora se vrši prema ugovoru od strane firme «KEMIS» d.o.o. Lukavac - priložen transportni list o čišćenju od 15.02.2022. godine.

Skladištenje zapaljivih tečnosti, mašinskih ulja, masti, lakova i razređivača vrši se originalnoj fabričkoj ambalaži u posebnom objektu za skladištenje istih.

Monitoring otpadnih voda se vrši redovno samo na mjernom mjestu označenom kao «Š1» neposredno iza postrojenja za tretman tehnoloških otpadnih voda. Na uvid dostavljeni Izvještaji o monitoringu za novembar 2019. godine, oktobar 2020. godine, maj 2021. godine i februar 2022. godine urađeni od strane Ispitne laboratorije JP «RAD» d.d. Tešanj. Ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Prema dostavljenom Izvještaju o utvrđivanju tereta zagađenja otpadnih voda izraženog preko EBS-a, urađenom u decembru 2021. godine, utvrđen je ukupan teret zagađenja otpadnih voda izražen kao ekvivalentni broj stanovnika: EBS=262,9 ES-a.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i člana 15. Uredbe o uslovima ispuštanja otpadnih voda u okoliš i sisteme javne kanalizacije. Tačka 3. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Podnosilac zahtjeva uplatio je posebne troškove prema Zaključku ove Agencije broj: UP-1/21-3-40-188-2/22 od 05.05.2022. godine.

Konstatuje se da je podnosilac zahtjeva, «MANN+HUMMEL BA» d.d. Tešanj, ispunio minimum uslova za izdavanje vodne dozvole za ispuštanje tehnoloških i oborinskih onečišćenih otpadnih voda u prirodni recipijent sa lokaliteta pogona Fabrike filtera u Industrijskoj zoni Bukva, općina Tešanj, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70KM U skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermine Hodžić, dipl.ing.građ.

Po ovlaštenju
Rukovodilac sektora za izdavanje vodnih
akata

Haris Ališehović, dipl.ing.građ.

Dostaviti:

- «MANN+HUMMEL BA» d.d. Tešanj
Industrijska zona, Bukva bb, 74260 Tešanj
- AVP, ISV – Vodna knjiga
- Sektor 50,
- Sektor 40, arhiva
- oglasna ploča – AVP Sava